

Eerste nasionale diplomas in veeproduksie toegeken

Die Rooivleisprodusente-organisasie (RPO) gaan sy betrokkenheid by die deelydse opleiding van veeboere voortsit.

Mnr. Neels de Villiers, die Vrystaatse voorsitter van die RPO, sê die toekenning van die nuwe nasionale diploma in Veeproduksie aan 13 jong boere ingevolge 'n modulêre aanbiedingsmetode is 'n mylpaal in landbou-opleiding in Suid-Afrika.

Altesaam 11 boere van die Vrystaat, een van die Noord-Kaap en een van Noordwes het dié kwalifikasie op 'n diplomaplegtigheid van die Bloemfonteinse Batho Pele-agri-ontwikkelingsinstituut ontvang.

Dié deelydse en praktiese kursus vir jong, werkende boere was die breinkind van die Vrystaatse RPO.

Dit is 'n omvattende boerdery- en boerderybestuurskursus van 18 maande wat deur Agri-seta erken word.

Die Vrystaatse voorsitter van die RPO, Neels de Villiers, sê dié kursus, wat nou oor die land heen aangebied gaan word, is waardevol vir veeboere en die rooivleisbedryf.

Die plan is om van volgende jaar af 25 studente per geleentheid op te lei.

Besonderhede op die foto

JP le Roux (naasregs), van Kimberley, is aangewys as die beste student in Veeproduksie tydens die diplomaplegtigheid van die Bloemfonteinse Batho Pele-agri-ontwikkelingsinstituut. Hetisani Ntshinga (naaslinks), van Bethlehem, het 'n merietetoekenning ontvang. Links is mnr. Ernest Beck van Batho Pele en regs Neels de Villiers van die Vrystaatse RPO. **Foto: Johan Norval**

